



Bosna i Hercegovina  
Federacija Bosne i Hercegovine  
Tuzlanski kanton  
**GRAD GRADAČAC**

H.K.Gradaševića 54, 76 250 Gradačac, telefon 035-369-770 , 035-369-771, e.mail: [vijece@gradacac.ba](mailto:vijece@gradacac.ba), [www.gradacac.ba](http://www.gradacac.ba)

## GRADONAČELNIK

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06 i 51/09) i člana 39. Statuta Grada Gradačac („Službeni glasnik Grada Gradačac“ broj 10/22), Gradonačelnik donosi,

### **P R A V I L N I K** **o kriterijima i postupku za ostvarivanje prava na jednokratnu novčanu pomoć za plaćanje dijela troškova nabavke senzora za bezbolno i kontinuirano mjerenje šećera u krvi za djecu i mlade do 30 godina**

#### Član 1.

Ovim Pravilnikom utvrđuju se kriteriji, način i postupak raspodjele sredstava iz Budžeta Grada Gradačac u svrhu ostvarivanja prava na jednokratnu novčanu pomoć za plaćanje dijela troškova nabavke senzora za bezbolno i kontinuirano mjerenje šećera u krvi za djecu i mlade do 30 godina. Za ove svrhe i namjene koristiće se sredstva Budžeta Grada Gradačac s budžetske pozicije 614239 (Ostali grantovi pojedincima (novorođena djeca i djeca sa dijabetesom)).

#### Član 2.

Djeci od 0 do 15 godina i mladima od 15 do 30 godina oboljelim od dijabetesa mellitusa (tip I) koji imaju prebivalište na području grada Gradačac, može se odobriti jednokratna novčana pomoć iz Budžeta Grada Gradačac za plaćanje dijela troškova nabavke senzora za bezbolno i kontinuirano mjerenje šećera u krvi.

#### Član 3.

Pravo iz prethodnog člana mogu ostvariti osobe iz člana 2. ovog Pravilnika koje ispunjavaju sljedeće uslove:

- da imaju prebivalište na području grada Gradačac.
- da imaju dijagnostikovano oboljenje dijabetes mellitus tip 1 (Diabetes Mellitus Juvenilis) od strane nadležnog ljekara.
- da se nalaze na evidenciji Centra za socijalni rad kao korisnici prava po osnovu ove bolesti.

#### Član 4.

Postupak za ostvarivanje prava na jednokratnu novčanu pomoć za plaćanje dijela troškova nabavke senzora za bezbolno i kontinuirano mjerenje šećera u krvi pokreće se na zahtjev oboljele osobe ili zakonskog zastupnika oboljele osobe.

Uz zahtjev potrebno je dostaviti sljedeću dokumentaciju:

- Izvod iz matične knjige rođenih (fotokopija),
- Dokaz o prebivalištu na području grada Gradačac -PBA-3 obrazac (fotokopija).

- Posljednji nalaz nadležnog ljekara (endokrinologa, kliničkog pedijatra ili kliničkog interniste) sa dijagnozom dijabetes mellitus tip 1 (fotokopija),
- Rješenje Centra za socijalni rad o priznavanju prava na osnovu bolesti (fotokopija),
- Podaci o tekućem računu podnosioca (instrukcija za plaćanje izdata od strane banke)

#### Član 5.

Postupak za ostvarivanje prava na pomoć za plaćanje dijela troškova nabavke senzora za bezbolno i kontinuirano mjerenje šećera u krvi za djecu i mlade do 30 godina provodi Gradska služba za opću upravu, društvene djelatnosti, boračko-invalidsku i socijalnu zaštitu, u skladu sa odredbama Zakona o upravnom postupku („Službene novine Federacije Bosne i Hercegovine“, broj 2/98, 48/99 i 61/22).  
Odobreni iznos jednokratne novčane pomoći za plaćanje dijela troškova nabavke senzora za bezbolno i kontinuirano mjerenje šećera u krvi uplaćuje se na tekući račun podnosioca zahtjeva.

#### Član 6.

Za realizaciju i nadzor nad primjenom ovog Pravilnika zadužuje se Pomoćnik Gradonačelnika za opću upravu, društvene djelatnosti, boračko-invalidsku i socijalnu zaštitu.

#### Član 7.

Ovaj Pravilnik stupa na snagu danom donošenja a objaviće se u „Službenom glasniku Grada Gradačac“.

Broj: 02- 31- 2139/24  
Gradačac, 05.09.2024.



Gradonačelnik  
mr.sc.Edis Dervišagić